

# 堯山堂外紀

八之十二

漢書門		
九七七〇	七二〇	二
號	函	冊

內閣文庫		
九七七〇	二四	三〇八
號	冊	函

內閣文庫		
番號	漢	9770
冊數	24	( 3 )
函號	308	95



堯山堂外紀卷八

晉陵蔣仲舒編

淺草文庫

三國魏

武帝操

字孟德 一名吉利

武帝使盧洪趙達撫軍主刺舉軍中語曰不畏曹

公但畏盧洪曹公尚可趙達殺我

武帝與曹洪所乘之馬名曰白鶴時人諺曰憑空

虛躍曹家白鶴

堯山堂外紀卷八

武帝有短歌行曰對酒當歌人生幾何譬如朝露  
去日苦多慨當以慷憂思難忘何以解憂唯有  
杜康青青子衿悠悠我心但爲君故沉吟至今  
明明如月何時可掇憂從中來不可斷絕月明  
星稀烏鵲南飛繞樹三匝無枝可依山不在高  
水不在深周公吐哺天下歸心

武帝有碣石歌四章一曰龜雖壽其辭曰老驥伏  
櫪志在千里烈士暮年壯心不已晉王敦每酒

後勅詠此語以如意打唾壺壺口盡缺

文帝丕

字子桓操長子初爲五官中郎將後嗣位爲丞相魏王稱受漢禪其受禪

碑王朗文梁鵠書鍾繇鐫字謂之三絕

文帝大興軍伐吳爲水軍親御龍舟至廣陵臨江  
觀兵會暴風漂蕩幾至覆沒乃賦詩引還其詩  
曰西北有浮雲亭亭如車蓋惜哉時不遇適與  
飄風會吹我東南行行行至吳會吳會非我鄉  
安得久留滯棄置勿復陳客子常畏人

阮元瑜早亡帝傷其妻孤寡爲作詩曰霜露紛兮  
交下木葉落兮淒淒候鴈叫兮雲中歸燕翻兮  
徘徊妾心感兮惆悵白日急兮西顏守長夜兮  
思君魂一夕兮九垂悵延佇兮仰視星月隨兮  
天迴徒引領兮入房竊自憐兮孤棲願從君兮  
終沒愁何可兮久懷

王宋者平虜將軍劉勲妻也入門三十餘年後勲  
悅山陽司馬氏女以宋無子出之帝代宋作詩

二章其一曰翩翩牀前帳張以蔽光輝昔將爾  
同去今將爾同歸絨藏篋笥裏當復何時披其  
二曰誰言去婦薄去婦情更重千里不唾井况  
乃昔所奉遠望未爲遙踟躕不得並

甄皇后文帝后也惠而有色先爲袁熙妻甚獲寵  
曹公屠鄴令疾召甄左右白五官中郎已將去  
公曰今年破賊正爲奴後爲郭貴嬪所譖賜死  
臨終作塘上行曰蒲生我池中其葉何離離傍

能行仁。義莫若妾自知。衆口鑠黃金。使君生別  
離。念君去我時。獨愁常苦悲。想見君顏色。感結  
傷心脾。念君常苦悲。夜夜不能寐。莫以豪賢故。  
棄捐素所愛。莫以魚肉賤。棄捐葱與薤。莫以麻  
枲賤。棄捐管與蒯。出亦復苦愁。入亦復苦愁。邊  
地多悲風。樹木何從修。從軍致獨樂。延年壽千

秋。不既納甄后。孔文舉與曹公書曰。武王伐紂。所以記後見文舉問之。答曰。以今度之。想當然耳。

帝所愛美人薛靈芸。常山人也。咸熙初。習谷出守  
常山。以千金寶賂聘之。以獻。至京師。帝迎以文  
車十乘。車徒咽路。塵起蔽月。時人謂爲塵宵。又  
築臺高三十丈。列燭臺下。遠近望之如列星。又  
爲銅表。誌里數。行者歌曰。青槐夾道多塵埃。龍  
樓鳳闕望崔嵬。清風細雨雜香來。土上出金火  
照臺。靈芸未至京師十里。帝望車徒之盛。嗟曰。昔言朝爲行雲。暮爲行雨。今非雲非雨。非朝非暮。改靈芸名曰夜來。夜來妙于鍼工。雖處深帷之內。不用燈燭之光。裁製立成。非夜來縫

製帝則不服宮中號為鉞神按歌末七字是妖辭銅表誌道是土上出金以燭置臺下則火在土下漢火德王魏土德王火伏而土興土上出金是魏滅而晉興之兆晉以金玉也

曹植

字子建文帝同母弟封陳王謚曰思謝靈運嘗言天下才共一石子建獨得八

半我得一半古及今用一半

文帝嘗與陳思王同輦出遊見兩牛在墻間鬪一牛墜并死詔植賦詩不得言牛不得言鬪不得言并不得言死走馬百步要成四寸言不成即加罪植策馬而馳應口即成曰兩肉齊道行頭

上戴橫骨行至凶土頭噓起相唐突二敵不與剛一肉卧土窟非是力不如盛氣不得泄賦成步猶未竟。

文帝嘗欲害植以其無罪令七步中作詩不成者行大法植應聲便為詩曰煮豆持作羹漉豉以為汁羹向釜下然豆在釜中泣本是同根生相煎何太急帝深有慙色

一作煮豆燃豆其豆在釜中泣本是同根生相

煎何太急

譙樓畫角之曲有三弄相傳為曹子建作其初弄  
曰為君難為臣亦難難又難再弄曰創業難守  
成亦難難又難三弄曰起家難保家亦難難又

難今角音之鳴鳴者皆難字曳聲

子建宜男花頌曰草號宜男既暉且貞其貞伊何  
惟乾之嘉其暉伊何綠葉丹花光采晃曜配彼  
朝日君子耽樂好和琴瑟固作螽斯惟立孔臧  
福齊太姒永世克昌

初陳思王求甄逸女不遂太祖回與五官中郎將  
植殊不平晝思夜想廢寢與食黃初中入朝帝  
示植甄后玉鏤金帶枕植不覺泣下時已為郭  
后讒成帝意亦尋悟因令太子留宴飲仍以枕  
賚植植還息洛水上感而入夢植悲喜不能自  
勝因作賦名曰感甄又作蒲生行曰采芰自有  
芳不若桂與蘭新人雖可愛無若故所歡行雲  
有反期君恩儻中還慙慙仰天歎愁心將何愬

日月不恒處。人生忽若寓。悲風來入懷。淚下如垂露。發篋造裳衣。裁縫紈與素。植以此篇當后塘上行後。明帝見感甄賦。改為洛神賦。

楊修

字德祖。彪之子。楊震畏四知。楊秉三不惑。楊賜議論切直。楊彪名震四海。孔融稱為四世清德。修嘗以寶劍與文帝。帝愛其才美佩之。告左右曰：此楊修劍也。

人餉武帝一柸酪。帝取少許。蓋頭上題合字以示

衆。衆莫能解。次至楊修。修便噉曰：公教人噉一

口耳。何疑。

帝作相國門。自出看題。活字便去。修即令壞之。曰：門中活闊字。嫌門大也。

武帝嘗過曹娥碑。下楊修。從碑背上見題作黃絹

幼婦外孫。鰲白八字。帝謂修曰：解不答。曰：解魏

武曰：卿未可言。待我思之。行三十里。魏武乃曰：

吾已得。令修別記所知。修曰：黃絹。色絲也。於字

為絕。幼婦。少女也。於字為妙。外孫。女子也。於字

為好。鰲白。受辛也。於字為辭。所謂絕妙好辭也。

帝亦記之。與修同。乃歎曰：有智無智。較三十里。

王粲

字仲宣。文帝為五官中郎將。及平原侯植皆好文學。粲與北海徐幹、廣陵陳琳



陳留阮瑀汝南應瑒東平劉楨並見友善  
號建安七子世目曹子建為繡虎王仲宣  
為泥下潛蛙鄧艾伏鸞  
陸雲隱鷗皆喻其文

王仲宣以西京擾亂依劉表於荊州表以粲貌醜  
不甚禮焉粲於是登樓作賦因名仲宣樓時客  
荆已久又作七哀詩謂病而哀義而哀感而哀  
悲而哀耳目聞見而哀口歎而哀鼻酸而哀一  
事而七者具也其辭曰西京亂無象豺虎方遘  
患復棄中國去。透身適荆蠻。親戚對我悲。朋友

相追攀。出門無所見。白骨蔽平原。路有飢婦人。  
抱子棄草間。顧聞號泣聲。揮涕獨不還。未知身  
死處。何能兩相完。驅馬棄此去。不忍聽此言。南  
登霸陵岸。回首望長安。悟彼下泉人。喟然傷心  
肝。梁與人共行讀道邊碑人問卿能闇誦乎曰  
能因使誦之不失一字觀人圍棋局壞粲為  
覆之棋者不信以把蓋局使更以  
他局為之用相比較不悞一道

徐幹字偉長為司空軍謀祭  
酒掾屬五官將文學

徐幹於清河道中見挽船士新婚與其妻別幹作

詩曰與君結新婚。宿昔當別離。涼風動秋草。蟋蟀鳴相隨。冽冽寒蟬吟。蟬吟抱枯枝。枯枝時飛揚。身體忽遷移。不悲身遷移。但惜歲月馳。歲月無窮極。會合安可知。願為雙黃鵠。比翼戲清池。劉楨贈徐幹詩曰。步出北寺門。遙望西苑園。細柳夾道生。方塘含清源。輕葉隨風轉。飛鳥何翻翻。乖人易感動。涕下與衿連。幹答詩曰。與子別無幾。所經未一旬。我思一何篤。其愁如三春。雖路

夜咫尺。難涉如九關。陶陶諸夏別。草木昌且繁。

是時徐在西掖。劉在禁省云。

陳琳

字孔璋。武帝書檄多琳所作。帝素患頭眩。每讀琳檄。文輒喜。曰。此愈我病。

文帝為五官將。時得馬腦。以為寶勒。美而賦之。命陳琳。王粲。並作琳賦曰。爾乃他山為錯。荆和為理。制為寶勒。以御君子。粲賦曰。因恣象形。匪彫匪刻。厥容應規。厥性順直。御世嗣之駿服兮。表駉驥之儀式。

陳琳有飲馬長城窟行曰飲馬長城窟。水寒傷馬骨。往謂長城吏。慎莫稽留太原卒。官作自有程。舉築諧汝聲。男兒寧當格。聞戍何能拂。鬱築長城。長城何連連。連連三千里。邊城多健少。內舍多寡婦。作書與內舍。便嫁莫留住。善侍新姑嫜。時時念我故。夫子報書往邊地。君今出語一何鄙。身在禍難中。何為稽留他家子。生男慎莫舉。生女哺用脯。君獨不見長城下。死人骸骨相撐拄。結髮行事君。慊慊心意闕。明知邊地苦。賤妾何能久自全。

阮瑀

字元瑀少受學於蔡邕太祖使與陳琳並為司空軍謀祭酒管記室

武帝雅聞阮瑀名辟之不應連見逼乃逃入山中。帝使人焚山得瑀送至召入帝時征長安大延賓客怒瑀不與語使就妓入列瑀善解音能鼓琴遂撫絃按節因造歌曲口奕奕天門開大魏應期運青蓋巡九州在東西人怨士為知己矣。

女為悅已。謝恩義。苟敷暢。他人焉能亂為曲。既捷音聲。殊妙帝大悅。

應瑒

字德璉。漢泰山太守邵之從子。

應瑒嘗侍五官將集建章臺。丕命諸文學賦詩。瑒應令曰：公子敬愛客，樂飲不知疲。和顏既已暢，乃肯顧細微。贈詩見存。慰小子非所宜，且為極謹情，不醉其無歸。凡百敬爾位，以副飢渴懷。

劉楨

字公幹。七子中，以曹劉為絕唱。

建安七子唯劉公幹獨為諸王子所親。五官將嘗宴諸文學，酒酣命甄夫人出拜坐中。咸伏公幹獨平視，太祖聞之，乃收治罪，減死。輸作署吏。楨嘗有贈從弟詩云：亭亭山上松，瑟瑟谷中風。風聲一何盛，松枝一何勁。其寄意如是。故雖論作而不悔云。

劉公幹辯敏無對。既坐，平視甄夫人，配輸作部。太祖至，尚方觀作。見劉匡坐磨石，公問石何如。劉

因喻已自理。蹠而答曰：石出荆山，懸巖之顛，外有五色之文，內含卞氏之珍。磨之不加瑩，雕之不增文，稟氣堅貞，受之自然。顧其理枉屈，紆繞而不得申。公笑釋之。公幹配輸作部文帝問曰：卿何以不謹於文憲？楨答曰：臣誠庸短，亦由陛下綱目不疎。

劉公幹大暑賦云：其為暑也，羲和穆駕，發扶木，太陽為輿，達炎燭，威靈參垂，步朱轂，赫赫炎炎，烈烈暉暉。若熾燎之附體，又溫泉而沉肌，獸喘氣於玄景，鳥戢翼於高危。農峻捉罽，而去疇織女，釋杼而下機，溫風至而增熱，歎愠帽而無依，披襟領而長嘯，冀微風之來思。

繁欽 字休伯 少得名於汝穎 為丞相主簿

繁欽文才機辨，長於書記，又善為詩賦，有定情詩曰：我出東門遊，邂逅承清塵。思君即幽房，侍寢執衣巾。時無桑中契，迫此路側人。我既媚君姿，君亦悅我顏。何以致拳拳，綰臂雙金環。何以致

殷勤約指一雙銀。何以致區區耳中。雙明珠。何  
以致叩叩香囊。繫肘後。何以致契濶。繞腕雙跳。  
脫。何以結恩情。美玉綴羅纓。何以結中心。素縷  
連雙鍼。何以結相。金簿畫搔頭。何以慰別離。  
耳後璫瑁釵。何以答歡悅。統素三條裙。何以結  
愁悲。白絹雙中衣。與我期何所。乃期東山隅。日  
肝兮不來。谷風吹我襦。遠望無所見。涕泣起踟  
躕。與我期何所。乃期山南陽。日中兮不來。飄風

吹我裳。逍遙莫誰覩。望君愁我腸。與我期何所  
乃期西山側。日夕兮不來。躑躅長歎息。遠望涼  
風至。俯仰正衣服。與我期何所。乃期山北岑。日  
暮兮不來。淒風吹我襟。望君不能坐。悲苦愁我  
心。愛身以何為。惜我華色時。中情既款款。然後  
尅密期。褰衣躡茂草。謂君不我欺。廁此醜陋質。  
徒倚無所之。自傷天所欲。淚下如連絲。

吳質

字季重。以文才爲文帝所善。南皮之遊甚樂。

文帝嘗召質及曹休歡會命郭后出見質等帝曰  
卿仰諦視之其至親如此質黃初五年朝京師  
詔上將軍及特進以下皆會質所太官給供具  
及文帝崩質思慕作詩曰愴愴懷殷憂殷憂不  
可居徙倚不能坐出入步踟躕念蒙聖主恩榮  
爵與衆殊自謂永保身志氣甫當舒何意中見  
棄棄我就黃墟笑笑靡所恃淚下如連珠隨沒  
無所益身歿名不書慷慨自僂俛庶幾烈丈夫

楊豐

初名和若  
字伯陽

楊和若少遊俠常以報仇解怨為事時人為之號  
曰東市相斫楊阿若西市相斫楊阿若

明帝獻

丕子甄皇后生也后被譖或丕與獻  
獵見子母鹿既射其母命獻射其子  
獻泣曰陛下已殺其母臣不忍  
復殺其子丕釋弓矢為之惻然

明帝時昆明國獻嗽金鳥形如雀色黃常翱翔於  
海上飴以真珠及龜腦常吐金屑如粟鑄之乃  
為器服宮人爭以鳥所吐金為釵珥謂之辟寒

金以鳥不畏寒也。宮人相鞠弄曰：「不服辟寒金，那得帝王心。」不服辟寒鈕，那得帝王怜。

明帝景初中，童謡曰：「阿公阿公，駕馬車，不意阿公東渡河。阿公東還當奈何。」及司馬宣王平遼東，歸至白屋，當還鎮長安，會帝篤疾，急召之，乃乘追鋒車東渡河，終翦魏室。

應璩

字休璉，瑒之弟。明帝時，歷官散騎常侍。朱建平相璩曰：「君年六十二先此一年當獨見白狗。」璩年六十一為侍中，直內省，忽見白狗，眾人悉不見，作急遊觀，飲讌白。

娛六十一  
二卒

應璩古樂府云：「昔有行道入，陌上見三叟。年各百餘歲，相與鋤禾莠。住車問三叟，何以得此壽。上叟前致詞，量腹節所受。中叟前致辭，室內嫗龐醜。下叟前致詞，暮卧不覆首。要哉三叟言，所以能長久。」未子語錄或云俗語夜飯減一口活得九十九。先生曰：「此出古樂府三叟詩。」

漢桓帝時有馬子侯者，為人頗癡，自謂曉音律，黃門樂人更相嗤謂子侯不知名。陌上桑反言鳳



將雛輒搖頭欣喜多賜左右錢帛無復慙色應  
璩新詩曰漢末桓帝時郎有馬子侯自謂識音  
律請客鳴笙等為作陌上桑反言鳳將雛左右  
偽稱善亦復自搖頭

程曉

字季明衛尉安鄉侯昱之孫以祖功分封列侯

程曉嘲熱曰平生三伏時道路無行車閉門避暑  
卧出入不相過今世襌襪子觸熱到人家主人  
聞客來輒感奈此何謂當起行去安坐正咨嗟

所說無一急皆嗆一何多疲瘵向之久甫問君  
極那。搥扇髀中疾流汗正滂沱莫謂為小事亦  
是一人瑕傳戒諸高明熱行宜見呵

稽康

字叔夜其先姓虞會稽上虞人以避愆徙鉅鉅有稽山家于其側因而命氏寓居山陽貧鍛以自給與魏宗室婚拜中散大夫

東平吕安與稽康友善後安兄巽姦通安妻乃誣  
安不孝繫獄辭相證引因收康初康採藥山中  
見隱者孫登謂之曰子才多識寡難乎免於今

之世矣。及是縲紲，乃作詩自責曰：嗟余不敏，好善聞人，欲寡其過，謫議沸騰。性不傷物，頗至恣憎。昔慙柳惠，今愧孫登。內負宿心，外慙良朋。煌煌靈芝，一年三秀。予獨何為，有志不就。懲難思復，心焉內疚。庶勗將來，無罄無臭。采薇山阿，散髮巖岫。永嘯長吟，願性養壽。臨刑語人曰：袁孝尼嘗從吾學，廣陵散吾每固之，不與廣陵散于今絕矣。因援琴而鼓，顏色自若。

康與安每相思千里命駕安後

來值康不在康兄喜出戶延之不入題門上作鳳字而去喜不覺猶以為忻故作鳳字凡鳥也

阮籍字嗣宗瑀之子性好飲閒步兵厨多美酒乃求為步兵校尉嘗率意獨駕車跡

所窮輒慟哭而返又對人能為青白眼由是禮法之士深所讐疾時兵家女有才色未嫁而死阮初不識其父兄徑往哭之盡哀鄰家有婦當壚阮與王安豐常從婦飲阮醉便眠其側夫始殊疑之伺察終無他意其嫂還家籍見與別或譏之曰禮豈為我輩設也

阮步兵嘯聞數百步登蘇門山有真人樵伐者擁鄰巖側籍就之箕踞相對疑矚不轉籍因對之

長嘯意盡。退還半嶺。許聞上啗。然有聲如數部。鼓吹林谷。傳響顧看。迺向入嘯也。籍既降。乃假蘇門先生之論。以寄所懷。其歌曰。日没不周西。月出丹淵中。陽精蔽不見。陰光代為雄。亭亭在須臾。厭厭將復隆。富貴俯仰間。貧賤何必終。又歌曰。天地解兮六合開。星辰墮兮日月頽。我騰而上將何懷。蘇門先生即孫登也。宋潘子真以霜威能折綿。風力欲冰酒之句。問黃山谷所從出。山谷曰。勁氣方凝。酒清威正。折綿。庾肩吾詩也。按晉阮籍大人先生歌。有曰。陽

和微弱陰氣竭。海凍不流。綿絮折呼吸不通。寒冽列乃知折綿之事。始於阮籍。

鍾毓

字稚叔。弟會字士季。繇二子。夏侯玄以其志趣不同。不與之交。玄既被桎梏。毓為廷尉執。玄手曰。太初何至於此。玄正色曰。雖復刑餘之人。不可得交。

鍾毓鍾會少有令譽。年十三。文帝聞之。語其父鍾

繇曰。可令二子來。於是敕見毓。面有汗。帝曰。卿

面何以汗。毓對曰。戰戰惶惶。汗出如漿。復問會

卿何以不汗。對曰。戰戰慄慄。汗不敢出。毓兄弟

父書寢。因共偷服藥酒。其父時覺。且託寐。以觀之。毓拜而後飲。會飲而不拜。既而問毓何以拜。

毓曰酒以成禮不敢不拜又問會何以不拜會曰偷本非禮所以不拜

鍾毓兄弟警悟過人每有朝語未嘗屈蹟毓語會

聞有女能作調試共視之於是盛飾共載行至

西門一女子笑曰車中央殊高二鍾都不覺車

後一門生云向已被朝鍾愕然門生曰中央高

兩頭抵毓兄弟多鬚故以此調之

周泰為新城太守司馬宣王使鍾毓調曰公釋褐

政府三十六日擁蓋守兵馬郡乞兒乘小車

何駛乎泰曰君名公之子少有文采故守吏職

猶猴騎土牛又何遲也

司馬景王與鍾毓燕飲時陳羣子玄伯武周子元

夏在坐共嘲毓王以毓父諱戲問曰畢繇何如

人毓對曰古之懿士顧謂玄伯元夏曰君子周

而不比羣而不黨陳羣太丘長陳寔孫也寔子

泰四世於漢魏晉間有重名而其德漸小減時人語曰公慙卿卿慙長

鄧艾字士載棘陽人年十三隨母至穎川讀

自名範字士則後宗族有與同者故改焉

鄧艾以口吃不得作幹佐為稻田守叢草吏而語

稱艾艾晉文王戲之曰卿云艾艾定是幾艾答

曰鳳兮鳳兮故是一鳳

夏武坐世... 父韜楚問曰畢終何...

后無景王與... 刺羣千宮前海周千示

辭難... 王使鍾毓謂曰公...

... 少育文采姑守吏...

堯山堂外紀卷九

晉陵蔣仲舒編

三國蜀吳

龐德公南都襄陽人龐士元從父也隱居峴山南司馬德操年小十歲兄事之故

呼龐德公諸葛孔明每至公家獨拜床下公初不令止後攜妻子入鹿門山

龐德公有於忽操三章其一曰於忽乎不可以為

其又奚為離婁之精夜何有於明師曠之耳聾

者亦有爾束王良之手兮後車載之前行險既

以覆兮。後遂逐其猶來。雖目盼而心駭兮。顧其能之安施。委繩墨以聽人兮。雖班輸亦奚以為。其二曰於忽乎不可以為。其又奚為。椽櫃椽榱之累重。顧柱小之柰何。方風雨之晦陰。行者艱而莫休。居者坐而笑歌。不知壑之忽然兮。其謂安何。其三曰於忽乎不可以為。其又奚為。謂雞斯飛。誰得而羈。謂豕斯突。何取於縛。是皆以食而得之。吾於饑而後噫。雞兮豕兮。死以是兮。

司馬徽 字德操。有知人之鑑。龐德公嘗謂諸葛孔明為卧龍。從子士元為鳳雛。德

操為水鑑

司馬德操括囊畏謹。有以人物問者。不辨其高下。每輒言佳。其婦諫曰。人質疑于君。君一皆言佳。豈咨君之意乎。答曰。如君言亦復佳。

諸葛亮 字孔明。封武鄉侯。其先葛氏琅琊諸縣人。後徙陽都。陽都先有姓葛者。時

人謂諸葛因為氏兄弟。並有盛名。各在一國。瑾仕吳。亮仕蜀。誕仕魏。于時以為蜀得其龍。吳得其虎。魏得其狗。

黃彥承高爽開朗為沔南名士謂孔明曰聞君擇婦身有醜女黃頭黑面才堪相配孔明許即載送之鄉里為之諺曰莫作孔明擇婦正得阿承醜女

諸葛亮躬耕壟畝好為梁父吟其辭曰步出齊城門遙望蕩陰里。里中有三墓累累正相似。問是誰家墓。田強古治子。力能排南山。文能絕地紀。一朝被讒言。二桃殺三士。誰能為此謀。國相齊

晏子。晏子春秋公孫捷田開疆古治子事景公計功而食桃公孫捷曰吾再拜隱虎功可以食田曰吾杖兵而御三軍者再功可以食古治子曰君當濟河壺邸左驂治潛行水底逆流百步從流九里得龜頭功可以食二子曰吾勇不若子功不逮子取桃不讓是貪也然而不死無勇也刎頸而死治曰二子死之治獨不逮又刎頸而死漢末曹操既殺孔融楊修又送橋衡於荆州假手黃祖三子皆天下之望也武侯梁父吟殆為此設

諸葛亮表都護李嚴嚴少為都戢吏用情深尅苟利其身鄉里為嚴諺曰難可押李鱗甲

張裕

張裕饒髻鬚蜀先主嘲之曰昔吾居涿郡多毛姓  
東西南北皆諸毛也涿令稱曰諸毛統涿居乎  
先主無鬚裕即答曰昔有作上黨潞長後遷為  
涿令去官還家時人與書欲署潞則失涿欲署  
涿則失潞乃署曰潞涿君一坐絕倒

馬良字季常襄陽宜城人也先  
主稱尊號以良為侍中

馬良兄弟五人並有才名蜀中諺曰馬氏五常白

眉最良季常眉中有白毛故以稱之

河南西四十里澗穀洛三水之交有五門子孫舊  
傳馬氏兄弟五人共居此地作五門客舍因以  
為名主養猪賣豚故名為之語曰苑中三公館  
下二卿五門嚙嚙但聞豚聲

秦密  
當時以博識稱諸  
葛孔明呼為學士

吳使張溫聘蜀溫問秦密曰天有頭乎密曰有溫  
曰在何方密曰詩云乃眷四顧以此推之頭在





西方温曰天有耳乎密曰天處高而聽卑詩云  
鶴鳴九臯聲聞於天若其無耳何以聽之温曰  
天有足乎密曰詩云天步艱難若其無足何以  
步之温曰天有姓乎密曰姓劉何以然曰其子  
姓劉是以知之

秦密遠遊詩曰遠遊何所見所見邈難紀巖穴非  
我鄰林麓無知己虎則豹之兄鷹則鶴之弟困  
獸走環岡飛鳥驚巢起猛氣何咆厲陰風起千

里遠遊長太息太息遠遊子

支謙 吳高僧

吳主權已制江左而佛教未行有支謙者本月支  
人來遊漢境傳覽經籍莫不精究遍學異書通  
六國語其為人細長黑瘦眼多白而睛黃時人  
為之語曰支郎眼中黃形軀雖細是智囊

周瑜 字公瑾舒人初孫策年十餘歲已交結

好策得喬公兩女皆國色  
策自納大喬瑜納小喬

周公瑾少精意於音樂雖三爵之後其有關誤公瑾必知之知之必顧時人謠云曲有誤周郎顧

諸葛恪

字元遜瑾之子少有才名吳主權見而奇之曰藍田生玉真不虛也及立

登為太子妙選師友乃以張昭子休顧雍子譚陳武子表與恪並為中庶子入講詩書出從騎射待以布衣之禮謂之四友

諸葛瑾為豫州語別駕向臺云小兒知談卿可與

語比往詣恪恪不相見後於張輔吳昭坐中相

遇別駕喚恪咄咄郎惠恪因嘲曰豫州亂矣何

咄咄之有答曰君明臣賢未聞其亂恪曰昔唐

堯在上四凶在下答曰非唯四凶亦有丹朱於

是一坐大笑

瑾面長似驢吳主權使優人牽驢入題其面曰諸葛子瑜時恪亦侍

宴中請筆於題下添寫之驢二字吳主羨其明敏即以驢賜恪又使太子嘲恪曰諸葛元遜食馬矢一石恪答曰臣得戲君子得戲父乎吳主曰可恪曰乞太子食雞卵三百枚吳主問恪曰人令若食馬矢卿令人食雞卵何也恪答曰所出同耳吳主大笑

吳主權引蜀使費禕飲使諸葛恪監酒恪以馬鞭

拍禕背甚痛禕啟吳主曰蜀丞相比之周公都

護君侯比之孔子。今有一兒執鞭之士。恪啓曰：君至大國，傲慢天常，以鞭拍之，於義何傷？衆皆大笑。

吳主權嘗燕見費禕，逆勅羣臣使禕至伏食勿起。禕至，權為輟食，而諸人不起。禕調之曰：「鳳凰來翔，麒麟吐哺，驢騾無知，伏食如故。」諸葛恪應聲答曰：「爰植梧桐以待鳳凰，有何燕雀自稱來翔？何不彈射使還故鄉？」

曾有白頭鳥集吳殿前。吳主權問羣臣曰：「此何鳥也？」諸葛元遜對云：「此名為白頭翁。」張輔、吳自以坐中最老，疑元遜以鳥戲之，因曰：「恪欺陛下，未嘗聞鳥名白頭翁者。」試使恪復求白頭母。元遜曰：「鳥名鸚母，未必有對。」試使輔、吳復求鸚父，張不能答，一坐大笑。

吳主大會將佐，命元遜行酒。次至張輔，吳前張先有酒色。不時肯飲，曰：「此非養老之禮也。」權謂元遜曰：「卿但令張公辭屈，乃當飲耳。」元遜即難，張曰：「昔尚父九十，秉旄伏鉞，猶未告老。今軍旅之事，將軍在後，酒食之事，將軍在前，何謂不養老？」張卒無

辭遂為  
畫爵

吳主亮初即位以諸葛恪為太傅時公安有白鼉  
鳴童謠曰白鼉鳴龜背平南郡城中可長生守  
死不去義無成鼉有鱗介甲兵之象也南郡城  
可長生者有急易以逃也明年恪敗弟融鎮公  
安亦見襲融刮金印龜服之而死

吳建興初又童謠曰吁汝恪何若若蘆葦單衣篋  
鉤絡於何相求揚子閣及諸葛恪死果以葦席

裹身篋束其腰投之石堦鉤絡鉤帶也揚子閣  
者反語石子堦也後聽恪故吏收葬求之此堦  
云

薛綜字仲文瑩之父其先田文封薛因以氏  
馬吳主皓追歎綜遺文命榮繼作瑩獻

詩三百  
餘言

蜀使張奉於吳主權前列闕澤姓名調澤澤不能  
答時薛綜為選曹尚書下行酒因勸奉酒曰蜀  
者何也有犬為獨無犬為蜀橫目勾身虫入其

腹奉曰不當復列君吳耶綜應聲曰無口為天  
有口為吳君臨萬邦天子之都奉無以對

張純字元基同郡張儼字子節朱異字季文

盛馬舊目云張文  
朱武陸忠顧厚

張純少有清才與張儼朱異俱童少嘗同詣驃騎  
將軍朱據據聞三人才名欲試之因語曰老鄙  
有聞饑渴甚矣夫驥褭以迅驟為功鷹隼以輕  
疾為妙其為吾各賦一物然後乃坐純賦席曰

席以冬設筆為夏施揖讓而坐君子攸宜儼賦  
犬曰守則有嚴出則有獲韓盧宋鵲書名竹帛  
異賦弩曰南嶽之幹鍾山之鉤慮機命中獲隼  
高壙三人皆隨日立成據大惟悅

韋昭字弘嗣史為晉聿改名曜少好學能屬  
文官中書僕射撰吳鼓吹曲十二曲吳

人多言祥瑞吳主皓問昭昭曰  
此家人筐篋中物耳後竟殺昭

吳鼓吹曲有云歲時飲者言漢室衰孫堅奮迅猛  
志念在匡救王迹始乎此也當漢朱鷺其曲曰

焮精缺。漢道微。皇綱弛。政德違。衆姦熾。民罔依。  
 赫武烈。越龍飛。陟天衢。耀靈威。鳴雷鼓。抗電麾。  
 撫乾衡。鎮地機。厲虎旅。騁熊羆。發神聽。吐英奇。  
 張角破。邊韓羈。宛賴平。南土綏。神武章。渥澤施。  
 金聲震。仁風馳。顯高門。啟皇基。統罔極。垂蔭末。  
 吳鼓吹曲有云漢之季者言孫堅悼漢之微  
 卓之亂與兵奮擊功蓋海內也當漢思  
 曲曰漢之季。童卓亂。桓桓武烈。應  
 其

雲旗建。厲六師。羅八陣。飛鳴鏑。接白刃。輕騎發。  
 介士奮。醜虜震。使衆散。劫漢主。遷西館。雄豪怒。  
 元惡憤。赫赫皇祖。功名聞。  
 吳鼓吹曲有云伐烏林者言魏武既破荊州順流  
 東下欲未爭鋒孫權命將周瑜逆擊之於烏林  
 而破走也當漢上之回其曲曰曹操北伐拔柳  
 城檠勝席捲遂南征劉氏不睦八郡震驚衆既  
 降操屠荆舟車十萬揚風聲議者孤疑慮無成

賴我大皇發聖明。虎臣雄烈周與程。破操烏林  
顯章功名。

吳鼓吹曲有云克皖城者言魏武志圖并蕪而令  
朱光為廬江太守孫權親征光破之於皖城也  
當漢戰城南其曲曰克滅皖城遏寇賊惡此凶  
孽阻姦慝王師赫征衆傾覆除穢去暴戢兵車  
民得就農邊境息誅君弔民昭至德。

吳鼓吹曲有云章洪德者言孫權章其大德而遠  
方來附也當漢將進酒其曲曰章洪德邁威神  
感殊風懷遠鄰平南裔齊海濱越裳貢扶南臣  
珍貨克庭所見日新。

賀邵

字與伯會稽人晉司空循之父元帝嘗  
與循言及吳時事問孫皓燒鋸截一賀

頭是誰循未得言元帝自憶曰是賀邵循  
不涕曰臣父遭遇無道創戶痛深無以作

答明詔元帝愧  
慙三日不出

賀太傅作吳郡初不出門吳中諸強族輕之乃題  
府門云會稽雞不能啼賀閒故出行至門反顧

索筆足之曰不可。帝殺吳兒。於是至諸屯。邸檢校諸顧陸罪者甚衆。陸抗時為江陵都督。故下請吳主皓然後得釋。

末主皓

字元宗一名彭祖大皇帝孫為晉所滅

吳主初從步闡之請遷都武昌。揚州之民沂流供給甚苦。之時有童謠曰：寧飲建鄴水，不食武昌魚。寧還建鄴死，不止武昌居。陸抗以聞，乃還都。

建業

吳主遣使者祭石印山下妖祠。使者因以丹書獻曰：楚九州渚，吳九州都。揚州士作天子，四世治太平矣。皓聞之曰：從大皇帝至朕，四世太平之主。非朕復誰恣虐踰甚。

吳主天紀中，童謠曰：阿童復阿童，銜刀游渡江。叶不畏岸上虎，但畏水中龍。晉武門聞之，以語羊祜。祜曰：此必水軍有功，但當思應其名者。時益州刺史王濬，小字阿童，乃加濬龍驤將軍及征



吳江西衆軍無過者而濬先定秣陵  
 晉既平吳武帝引見孫皓帝問皓聞南人好作爾  
 汝詩頗能為否皓正飲酒因舉觴勸帝曰昔與  
 汝為鄰今與汝為臣勸汝一盃酒令汝壽萬春  
 帝悔之

晉平吳後江南有童謠云局縮肉數橫目中園當  
 敗吳當復又有云宮門柱且莫朽吳當復在三  
 十年後又有云雞鳴不拊翼吳復不用力干時  
 吳人皆謂在孫氏子孫故竊發為亂者相繼按  
 橫目者四字自吳亡至晉元帝興幾四十年皆  
 如童謠之言元帝懦而少斷局縮肉蓋直斥之  
 云

堯山堂外紀卷九終

堯山堂外紀卷十

晉陵蔣仲舒編

六朝晉

司馬懿

字仲達曹操辟為文學掾遷太子中庶子與陳羣吳質朱鑠號曰四友操嘗夢三馬同食一槽謂不曰懿非人臣也丕素與懿善故得免既而竟遷魏鼎

司馬高祖伐公孫淵過故鄉會父老故舊飲燕高

祖作歌曰天地開闢日月重光遭逢際會奉辭

遐方將掃逋穢還過故鄉肅清萬里總齊八荒

告誠歸老待罪武陽。

賈克

始生時其父達曰後當有克  
閭之慶故名克而字公閭

初魏主高貴鄉公帥府衛出討司馬昭賈克時為  
中護軍自外入令成濟弑之泰始中人為克等  
謠言曰賈裴王亂紀綱王裴賈濟天下言亡魏  
而成晉也裴謂裴秀王謂王沈

賈克前婦是李豐女名婉字淑文淑美有才行豐  
被誅離婚徙邊復娶郭配女即廣城君名王璜

後李以赦得還帝特詔克置左右夫人郭怒不  
許克乃為李築室於永年里而不往來嘗與李  
聯句賈吟云室中是阿誰歎息聲正悲李云歎  
息亦何為但恐大義虧賈云大義同膠漆匪石  
心不移李云人誰不慮終日月有合離賈云我  
心子所達子心我亦知李云若能不食言與君  
同所宜克嘗辟韓壽為掾壽美姿容克女於青  
瑣中窺而悅之常懷存想發於吟咏婢  
往壽家具述其事壽聞心動遂潛往與女通克  
覺女有異於常因會諸吏聞壽有異香氣香本

外國所貢一着八經月不歇立計武帝惟賜已  
及陳騫疑壽與女私乃考問左右婢得其狀秘  
之以女  
妻壽

傳玄

風

晉初置諫官以玄為之每有奏劾或值  
日暮捧白簡整簪帶竦踊不寐臺閣生

古歌有八變九曲之名李尤九曲歌曰年歲晚暮  
時已斜安得壯士挽日車傳玄九曲歌曰歲暮  
景邁羣光絕安得長繩繫白日全篇無傳獨八  
變僅存其歌曰北風初秋至吹我章華臺浮雲

多暮色似從崦嵫來枯桑鳴中林絡緯響空  
翩翩飛蓬征愴愴遊子懷故鄉不可見長望始  
此回

傳玄有車遥遥篇曰車遥遥兮馬洋洋追思君兮  
不可忘君安遊兮西入秦願為影兮隨君身君  
在陰兮影不見君依光兮妾所願又燕人歌曰  
燕人美兮趙女佳其室則邇兮限曾崖雲為車  
兮風為馬玉在山兮蘭在野雲無期兮風有止

思多端兮誰能理

李密 字令伯一名虔先仕蜀晉初徵為太子洗馬陳情表古本少事荒朝後人誤以

為偽朝孫霜崖嘗有詩偽朝料得非公筆不得當時墨本看

李密有才能常望內轉而朝廷無援乃遷漢中太

守自以失分懷怨及賜餞東堂詔賦詩末章曰

人亦有言有因有緣官無中人不如歸田明明

在上斯語豈然武帝忿之免密官

山濤 字巨源與稽康阮籍籍兄子咸及劉伶王戎向秀常集于竹林肆意酣暢世謂

竹林七賢子簡字季倫

山巨源以器重朝望年踰七十貴勝年少若和裴

王之徒並共宗詠有署閣柱曰閣東有大牛和

嶠鞅裴楷鞅王濟剔剔不得休

漢時侍中習郁嘗於峴山南依范蠡養魚法作池

池邊有高隄徧種長楸修竹芙蓉綠岸菱芡覆

水是游宴名處山季倫都督荊州時每出嬉遊

多之池上置酒輒醉曰此是我高陽池時有兒

童歌曰山公出何許。往至高陽池。日夕倒載歸。酩酊無所知。時時能騎馬。倒着白接籬。舉鞭問

葛強。何如并州兒。

強家并州簡愛將

劉伶

字伯倫身長六尺貌甚醜頽而悠悠忽忽

曰吾以天地為宅舍屋宇為幃衣諸君何為入我幃中偶與俗士相忤其人讓袂而起欲必築之伶和其色曰鷄肋何足以當尊奉其人廢然而返伶嘗乘鹿車携一壺酒使人荷鍤隨之曰死便埋我

劉伶病酒渴甚從婦求酒婦捐酒毀器涕泣諫曰

君飲太過非攝生之道必宜斷之伶曰甚善我

不能自禁當祝鬼神斷之便可具酒肉婦曰敬

聞命供酒肉於神前請伶祝誓伶跪而祝曰天

生劉伶以酒為名一飲一斛五斗解醒婦人之

言慎不可聽便引酒進肉塊然後復醉

王戎

字濬冲渾之子以平吳功封安豐侯總

客問鍾曰向二童何如鍾曰裴楷清通王戎簡要阮籍先與渾為友時戎年十五隨渾在郎舍戎少阮二十歲阮與之交謂渾曰共卿言不如共阿戎談

王安石豐婦常卿。安豐安豐曰婦人卿壻於禮為不  
敬後勿復爾婦曰親卿愛卿是以卿卿我不卿  
卿誰當卿卿遂恒聽之。

孫楚

字子荆以有才少所推服惟雅敬王武

子式子喪時名士無不至者子荆後來

臨屍慟哭哭畢向靈牀曰卿常好我作驢  
鳴今我為卿作宛似真聲賓客皆笑孫舉

頭曰使君輩存令此人歿  
孫子荆年少時欲隱語王武子當枕石漱流誤

曰漱石枕流王曰流可枕石可漱乎孫曰所以

枕流欲洗其耳所以漱石欲礪其齒。

孫子荆除婦服作詩示王武子其詩曰時邁不停  
日月電流神爽登遐忽已一周禮制有叙告除  
靈立臨祠感痛中心若抽王曰未知文生於情  
情生於文覽之悽然增伉儷之重

孫楚反金人銘曰晉太廟左階前有石人焉大張  
其口而書其胷曰我古之多言人也無少言少  
言少事則後生何述焉夫惟立言名乃長久胡

為塊然坐緘其口。孔子觀周遂入后稷之廟廟當右階之前有金人為三緘

其口而銘其背曰古之慎言人也誠之哉無多言無多事多言多敗多事多害

董京不知何許人在洛陽隱居白社時乞於市得

殘碎繒絮結以自覆全帛佳繇則不肯受或見

推排罵辱曾無怒色孫楚數就社中載與俱歸

又貽書勸其仕進京答歌曰獨處無娛我以為

歡清流可飲至道可飡何為栖栖自使疲單玄

鳥紆幙而不被害鳴隼遠巢咸以欲歿盼彼梁

魚逡巡倒尾沉吟不尖忽焉失水嗟乎魚鳥為

世不悟以我觀之乃明其故知哉達人深穆其

度

賈謐

即韓壽子慰祖賈后女弟出也后與小吏通詐為有身取慰祖養之託以諒闇所生故勿顯謐雖驕奢而喜延士大夫石崇潘岳左思陸機機弟雲及劉琨等皆附謐號二十四友

惠帝元康中京洛童謡云南風起兮吹白沙遙望

魯國何嗟峨千歲髑髏生齒牙南風賈后字也



白晉行也沙門太子小字也魯賈謚國也言賈  
 后將與謚為亂以危太子而趙王因釁咀嚼豪  
 賢以成篡奪也其後賈謚既誅賈后尋亦廢死  
 又有謠云東宮馬子莫隴叟前至臘月纏汝髮  
 是時愍懷頗失衆望卒以廢黜不得其死焉趙  
 王倫既篡位洛中又有謠云虎從北來鼻頭汗  
 龍從南來登城看水從西來河灌灌數月而齊  
 王成都河間義兵同會誅倫按成都西藩而在

鄴故曰虎從北來齊東藩而在許故曰龍從南  
 來河間水區而在關中故曰水從西來齊留輔  
 政居于宮西有無君之心故曰登城看也

東哲

字廣微疎廣之後其曾孫避王莽亂去  
 足為東惠帝朝賈謚請哲為著作郎哲  
 嘗辨三日曲水之義賜金五十斤又補  
 南陰白華華黍白糜由儀崇立詩六篇

宋哲家貧賦曰余遭家之轍軻嬰六極之困屯無  
 原憲之厚德有斯人之下貧愁鬱煩而難處且  
 羅縷而自陳有漏狹之草屋不蔽覆而受塵欲

恚怒而無益。徒拂鬱而獨嗔。蒙乾坤之徧覆。庶無財而有仁。

太康中陽平郡界大旱。督為邑人請雨三日而雨。注衆為督作歌曰。東先生通神明。請天三日其雨零。我黍以育。我稷以生。何以酬之。報東長生。

石崇

苞之子。生于青州。字齊奴。苞臨終。崇初獨不及家財。及為荊州刺史。使商客航海致富。砌上就苔。蘇刻成百花飾。以金玉曰壺中之景。不過如是。劉寔嘗詣崇。如廁。見有絳紗帳。大牀茵褥甚麗。兩婢持錦香囊。劉惶遽反走。語崇曰。向誤入卿內。崇

曰是  
則耳

石季倫妾綠珠。嘗作懊儂歌。其詞曰。綠布澀難縫。令儂十指穿。黃牛細犢車。遊戲出孟津。綠珠本梁氏女。崇以珠三斛買之。善吹笛。孫秀使人求之。不與。秀怒。勸趙王誅崇。崇正宴於金谷園樓。上甲士到門。崇謂綠珠曰。吾為汝得罪。綠珠曰。當效歿於君前。即自投於樓下而死。洛陽石崇宅有綠珠

樓金谷水名。流經崇居崇構別館。因各一名梓澤。

石衛尉有愛婢曰翔風。魏末於胡中得之。年十五。無有比其容貌。崇嘗語曰：吾百年後當指白日以汝為殉。荅曰：生愛死離，不如無愛。妾得為殉身，其何朽？於是彌見寵愛。崇嘗擇美容姿相類者十人，裝飾衣服大小一等，使忽視，不相分別。又使數十人各含異香，行而笑語，則口氣從風而颺。又屑沉水香如塵末，布象床，使所愛者踐之。無迹則賜以真珠百琲。有迹則節其飲食，令身輕弱。故閨中戲曰：爾非細骨輕軀，那得百琲真珠。及翔風年三十，妙年者爭嫉之，謂胡女不可為羣。競相排毀。崇愛諧，卽退翔風為房老使。主羣少乃懷怨，作五言詩曰：春花誰不美，卒傷秋落時。突烟還自低，鄙退豈所期。桂芳徒自蠹，失愛在蛾眉。坐見芳時歇，憔悴空自嗤。石氏房中並歌此為樂曲，至晉末乃止。

潘岳

字安仁，此之子鄉邑號為奇童。後為河陽令，植桃李滿城。人號河陽一縣花岳。

妙有姿容少時挾弹出洛陽道婦人遇者連手縈之左思絕醜亦復效岳遨遊於是羣姬亂唾委頓而返又岳每行老姬以果擲之滿車張載至醜每行小兒以瓦石投之亦滿車

潘岳有所思因以思揚容姬難堪六字為題作離

合詩曰佃魚始化人民穴處離田字意守醇樸音

應律呂離心字田桑梓被原卉木在野離木字錫

鑿未設金石弗舉離易字木害咎蠲消吉德流

晉離字谿谷可安奚作棟字離谷字穴媽然以

喜焉懼外侮離女字熙神委命已求多祐離麗字

成嘆彼季末口出擇語離蕙字誰能默識言喪厥

所離佳字蕙壘畝之諺龍潛巖阻離土字甚義崇

亂少長失序離甚字土甚合成堪

初潘岳為瑯邪內史孫秀為小史給岳岳數撻辱

之秀常啣忿及趙王倫輔政秀為中書令岳於

省內謂秀曰孫令猶憶疇昔周旋否秀曰中心

藏之何日忘之岳于是自知不免俄而秀遂誣

岳及石崇為亂誅之初崇為成陽太守岳送之  
 詩曰朝發晉京陽夕次金谷湄前庭樹沙棠後  
 園植烏桺靈囿繁若榴茂林列芳梨飲至臨華  
 沼遷坐登隆坻玄醴染朱顏但懣杯行遲楊桴  
 撫靈鼓蕭管清且悲春榮誰不慕歲寒良獨布  
 投分寄石友白首同所歸及岳與崇被收俱不  
 相知崇已送市岳後至崇謂曰安仁卿亦復爾  
 耶岳曰可謂白首同所歸矣

潘安仁與石季倫同刑東市時石謂潘曰天下殺

英雄卿復何為爾潘曰俊士填溝壑余波來及

人

左思

字太冲欲賦三都乃詣張載訪岷邛之  
 事遂構思十年門庭掃洒皆置筆硯遇  
 得一句即便就之賦成以示皇甫謐謐為  
 賦序由是著書之家競相傳寫都城為之  
 紙貴於陸機入洛擬作三都賦聞思作之  
 撫掌大笑與弟書曰此間有一僧父欲作  
 三都賦須其成以覆酒甕耳左賦  
 出機絕嘆伏以為不能加遂輟筆

賈充嘗徵左思為記室不就因感人年老作詩曰

秋風何冽冽。白露為朝霜。柔條旦夕勁。綠葉日夜黃。明月出雲崖。皦皦流素光。披軒臨前庭。嗷嗷晨鴈翔。高志局四海。塊然守空堂。壯齒不恒居。歲暮常慨慷。振衣千仞岡。濯足萬里流。亦太冲詩語。

左思白髮賦云。星星白髮。生於鬢垂。雖非青蠅。穢我光儀。策名觀國。以此見疵。將拔將鑷。好爵是縻。白髮將拔。怒然自訴。稟命不幸。值君年暮。偏迫秋霜。生而皓素。始覽明鏡。惕然見惡。朝生晝

拔。何罪之故。予觀橘袖一皜。一擘。貴其素華。匪尚綠葉。願戢子之手。攝子之鑷。咨爾白髮。觀世之途。靡不追榮。貴華賤枯。赫赫閭闔。藹藹紫廬。弱冠求仕。童髻獻謨。其羅乘軫。子奇剖符。英英終賈。高論雲衢。拔白就黑。此自在吾。白髮臨拔。瞋目號呼。何我之寃。何子之娛。其羅自以辨惠。見稱不以髮黑。而名著。賈生自以良才。見異不以烏鬢。而後舉。聞之先民。國用老成。二老歸周。

周道肅清。四皓佐漢。漢德光明。何必去我。然後  
要榮。咨爾白髮。事故有以。爾之所言。非不有理。  
曩貴耆老。今薄舊齒。皤皤榮期。皓首田里。雖有  
二毛。河清難俟。隨時之變。見歎孔子。髮乃辭盡。  
誓以固窮。昔臨玉顏。今從飛蓬。髮膚至昵。尚不  
克終。聊用擬辭。比之國風。

左九嬪名芬思之妹也。少好學。善綴文武。帝聞而  
納之。秦始皇八年。拜修儀。後為貴嬪。姿陋。無寵。以  
才德見禮。每有方物異寶。必詔為賦。頌以是屢  
獲恩賜。馬賦咏木云。南山有鳥。自有咏木。饑則  
咏樹。暮則巢宿。無干於人。惟志所欲。性清者榮。  
性濁者辱。

左太冲嘗有感離詩。贈芬芬答詩云。自我去膝下。  
倏忽踰再期。披省所賜。告髮髯。想容儀。何時當  
奉面。娛目於書詩。何以訴辛苦。告情於文辭。

陸機 字士衡。大司馬抗之子。弟雲。字士龍。蔡  
司徒在洛。見平原兄弟。住參佐。解中三

間瓦屋士龍住東頭士衡住西頭士龍為  
人文弱可愛士衡長七尺餘聲作鍾聲言  
多忼慨尚書閔鴻見士龍小時即奇之曰  
此兒若非龍駒當是鳳雛刺史周浚召為  
從事謂人曰陸士龍當今顏子也後宦人  
孟玖譖平原有異志與雲俱被害是日昏  
霧四合大風折木平地  
雪盈尺人以爲陸氏寃

陸機百年歌云一十時顏如舜華曄有輝體如飄  
風行如飛終朝出遊薄暮歸六情逸豫心無違  
清酒將炙奈樂何奈樂何二十時膚彩津澤  
人理成美目淑貌綽有榮光車駿馬遊都城高

談雅步何盈盈清酒將炙奈樂何奈樂何三  
十時行成名立有令聞方可扛鼎志干雲食如  
漏卮氣如薰辭家觀國綜典文清酒將炙奈樂  
何奈樂何四十時體方克壯志方剛跨州越  
郡還帝鄉出入承明擁大璫清酒將炙奈樂何  
奈樂何五十時荷旄杖節鎮邦家鼓鍾嘈噴  
趙女歌羅衣粹粲金翠華言笑雅舞相經過清  
酒將炙奈樂何奈樂何六十時年亦耆艾業



亦隆。驟駕四牡入紫宮。軒冕納那翠雲中。子孫  
 昌盛家道豐。清酒將炙奈樂何。奈樂何。七十  
 時精爽頗損。膂力愆。清水明鏡不欲觀。臨樂對  
 酒轉無歡。攬形羞髮獨長歎。八十時目明已  
 損。聰去耳前言。往行不復紀。辭官致祿歸桑梓。  
 安車駟馬入舊里。樂事告終憂事始。九十時  
 日告眊。瘁月告衰。形體雖是志意非。言多謬誤  
 心多悲。子孫朝拜或問誰。指景玩日慮安危。感

念平生淚交揮。百歲時。盈數已登肌肉單。四

肢百節還相患。目若濁鏡口垂涎。呼吸頗感反

側難。茵褥滋味不服安。機少好遊獵在吳豪盛

後仕洛常將自隨此犬黠慧能解人語一日機

戲語犬我家絕無書信汝能齎書馳還取消息

否犬喜搖尾作聲機試為書或以竹筒繫之頸

犬出驛路疾走向吳入草噬肉取飽每經大水

輒依渡者弭毛掉尾向之其人憐愛因呼上船

載近岸犬即騰上速去如飛迺至機家口銜竹

筒作聲機家開筒取書看畢作答書納竹筒中

復繫犬頸犬既得答仍馳還洛計人行程五旬

陸士衡在坐潘安仁至陸便起去安仁曰清風至塵飛揚陸應聲答曰衆鳥集鳳凰翔

陸士龍荀鳴鶴隱二人未相識因會張茂先坐張

以其並有大才可勿作常語陸舉手曰雲間陸

士龍荀答曰日下荀鳴鶴陸曰既開青雲觀白

雉何不張爾弓布爾矢張曰荀何遲荀答曰本

謂雲龍駸駸今是山鹿野麋獸弱弩彊是以發

遲張乃撫掌大笑平原初見張華華曰賢弟何

不先陳之華鬚偏遂以錦囊盛之雲見大笑終不推又嘗續經上船水中自見其影便大笑不已落水幾至坎

張載字孟陽弟協字景陽元字季陽並有俊才與機雲齊名時稱二陸三張亦曰三

陽又有語云二陸入洛三張裁價不無軒輊云

張載賦貧士詩曰芒墟人迹希隱僻閭鄰濶葦籬

自朽損毀屋每寥豁炎夏無完絺玄冬無煖褐

四體困寒暑六時疲飢渴營生生愈瘁愁來不

可割

夏侯湛

與潘安仁並有美容喜  
同行時人謂之連璧

夏侯湛文章宏富善構新詞為郎中累年不調作

抵疑以自廣其辭曰咳唾成珠璣扶袂出風雲

又作家風載其祖父之德

張翰

字季鷹吳人儼之子時人號為江東步兵或謂之曰卿乃可縱適一時不為身

後名耶荅曰使我有身後名不如即時一盃酒

張季鷹辟齊王東曹掾在洛見秋風起因思吳中

菰菜羹鱸魚膾曰人生貴適意爾何能羈宦數

千里以要名爵因作歌曰秋風起兮佳景時吳

江水兮鱸正肥。三千里兮家未歸。恨難得兮仰

天悲遂棄官歸

劉寶

字道真陸士衡幼入洛谷張華所宜詣劉是其一陸既往劉尚在哀制中性嗜

酒禮畢初無他言惟問東吳有長柄壺盧卿得種來不陸兄弟殊失望乃悔往

劉道真遭亂於河側為人牽船見一老嫗操櫓道

真鞠曰女子何不調機弄杼因甚旁河操櫓女

荅曰丈夫何不跨馬揮鞭因甚旁河牽船又嘗

與人共飯草舍中見一嫗將兩小兒過並着青衣劉調之曰青羊引雙羔嫗答曰兩猪共一槽道真無以對

謝鯤字幼輿與胡母輔之畢卓光孟祖阮放

羊曼桓彝阮孚並以任放為達時人謂

之八達孟祖避難渡江投胡母值輔之鯤

等散髮裸袒閉室酣飲已累日孟祖將排

戶守者不聽便于戶外脫衣露頭於狗竇

中窺之而大叫輔之驚曰他人決不能爾

必我孟祖邊

乎入與飲

謝幼輿鄰家高氏女有美色常往挑之女投梭折

其兩齒時人語曰任達不已幼輿折齒鯤聞之

長嘯曰猶不廢我笑歌

山堂外紀卷十

山堂外紀卷十

一九

身儻曰儻不儻林笑燭

其兩齒和入語曰儻不儻與林齒脾潤之

光山堂外紀卷十一

晉陵蔣仲舒編

六朝晉

劉琨

字越石輿之弟少與祖逖為友  
謂人曰常恐祖生先我着鞭

盧諶先為劉琨從事中郎將段匹磾領幽州求諶  
為別駕琨答諶詩云情滿伊何蘭桂移植茂彼  
春林瘁此秋棘言諶棄已而就匹磾也厥後琨  
命箕澹攻石勒一軍皆沒由是窮蹙不能自守

乃率眾赴匹磾繼為匹磾所拘再贈諶詩云朱  
實。隕。勁。風。繁。英。落。素。秋。何。意。百。鍊。剛。化。為。繞。指。  
柔。其。詩。託。意。欲。以。激。諶。而。救。其。急。諶。殊。不。領。琨  
既被害諶始上表以雪其冤

祖逖

字士雅元帝時為豫州刺史戴洋語人曰祖士雅九月當死妖星已見於豫州之分矣逖亦嘆曰此為我也俄卒贈車騎將軍劉琨嘗稱祖朗詰曰少為王敦所歎

祖逖在豫州約已務施課農桑撫納新附又收葬  
枯骨為之祭醊百姓感悅嘗置酒大會耆老中

坐流涕曰吾等老矣更得父母死將何恨乃歌  
曰幸哉遺黎免俘虜三辰既朗遇慈父玄酒清  
醪甘瓠脯何以詠思歌且舞

鄧攸

字伯道童時嘗詣鎮軍賈混混以訟事示攸使決之攸曰聽訟吾猶人也必也使無訟乎混竒之以女妻焉

元帝時鄧攸為吳郡太守攸載米之郡俸祿一無  
所受惟飲吳水而已及去賤百姓留牽攸舡不  
得進攸乃少停夜中發去吳人歌之曰純如打

五鼓鷄鳴天欲曙。鄧侯挽不留。謝令推不去。

葛洪

字稚川丹陽句容人少以儒學知名尤好神仙真養之法元帝時王導薦為散

騎常侍以平賊功賜爵關內侯後聞交趾出丹求為勾漏令乃於羅浮山煉丹自號

抱朴子因以名書後尸解仙去號葛仙翁

葛洪嘗過贛之興國境見山靈水秀遂結廬築壇

鑿池洗藥留四言詩一首曰洞陰泠泠風珮清

清仙居永劫花木長榮今其地有洗藥池

郭璞字景純有郭公者精卜筮璞從受業公以青囊中書九卷與之由是遂洞五行

天文卜筮之術嘗撰前後筮驗六十餘章名為洞林

郭景純有焦僥讚曰焦僥極麼諱人又小四體取

足眉目纒了

郭景純著幽思篇有句云林無靜樹川無停流阮

孚歎曰泓崢蕭瑟實不可言每讀此又輒覺神

超形越

郭景純過江居于暨陽墓去水不盈百步時人以

為近水景純曰將當為陸後數年沙漲去墓數

十里皆為桑田其詩曰北阜裂裂巨海混混壘壘三墳唯母與昆

郭景純錢唐天目山詩云天目山前兩乳長龍飛鳳舞到錢唐海門一點巽峰起五百年間出帝

王後宋高宗中興建邦天目乃主山至度宗甲戌山崩京城騷動時有建遷蹕之議者未幾宋

鼎遂移王敦起璞為記室參軍蘇峻之難敦將舉兵使璞筮璞曰無成敦大怒曰仰壽

幾何曰命盡今日日中敦怒收璞請南崗斬之璞素與桓彝友善彝每遊或值璞在婦間便入

璞曰卿他處自可徑前但不可廁上相尋必容主有殃也彝後因醉詣璞正逢在廁見璞裸被髮銜刀設輟璞見彝撫心大驚曰吾血屬卿勿來非但禍吾卿亦不免天實為之將以誰咎故璞終嬰王敦之禍而彝亦死

初庾翼幼時嘗令景純筮公家及身卦成曰建元之末丘山傾長順之初子彫零及康帝即位將改元為建元或謂庾米曰子忘郭生之言耶丘上山名此號不宜用米撫心歎恨及帝崩何亮改元為永和庾翼歎曰天道精微乃如是耶長



順者永和也吾庸得免乎其年翼卒

殷羨

字洪喬豫章太守

殷洪喬作豫章郡臨去都下人因附百許函書既至石頭悉擲水中因祝曰沉者自沉浮者自浮殷洪喬不能作致書郵今金陵西南有投書渚

元帝皇子生普賜羣臣殷洪喬謝曰皇子誕育晉天同慶臣無勲焉而猥頒厚賚中宗笑曰此事豈可使卿有勲邪

庾亮

字元規與弟翼先後都督征討軍事稱

荒年穀

咸和初庾亮專總朝政時歷陽內史蘇峻志輕朝廷亮乃修石頭城以備之因下詔徵峻峻曰我寧山頭望廷尉不能廷尉望山頭遂舉兵反初明帝大寧初童謠云惻惻力力放馬山側大馬死小馬餓高山崩石自破至是明帝崩成帝方六歲為峻所逼遷于石頭御膳不足此大馬死小馬餓也高山峻也峻尋死峻弟石據石頭尋

為諸公所破

孫盛二子長名潛次名放小時同詣庾公公問潛

何字答曰字齊由公曰欲何齊曰齊許由問放

何字答曰字齊莊公曰欲何齊曰齊莊周公曰

何不慕仲尼而慕莊周對曰聖人生知故難企

慕庾公大喜小兒對放兄弟與庾翼子園客同為學生園客少有佳稱一

日詣孫見齊莊在外問之曰孫安國何在即答曰庾稱公家庾大笑曰諸孫大盛有兒如此又

答曰未若諸庾之翼翼還語人曰我故勝得重喚奴父名

庾亮初鎮武昌出至石頭百姓於岸上歌之曰庾

公上武昌翩翩如飛鳥庾公還揚州白馬牽旒

旒庾公初上時翩翩如飛鳥庾公還揚州白馬

牽流蘇後連徵不入及薨於鎮以喪還都葬皆

如謠言

桓溫字元子生未期溫嶠見之曰此兒有奇骨可試使啼及聞其聲曰真英物也父

翼以喬所賞故名溫面有七星劉惔常稱之曰桓公髮如反猬皮骨如紫石稜自是

孫仲謀司馬宣王一流人也嘗經王敦墓望之云可兒可兒後伐秦於北方得一巧

作老婢訪之乃劉琨妓女也一見温便潜  
然而泣問其故答曰公甚似劉司空温大  
悅出整理衣冠又呼問之婢云面甚似恨  
薄眼甚似恨小鬚甚似恨赤形甚似恨短  
聲甚似恨雌温於是褫冠解  
帶昏然而睡不怡者數日

桓大司馬嘗題八陣圖云望古識其真臨源愛往  
跡恐君遺事節聊下南山石

哀帝隆和初童謠云升平不滿斗隆和那得久桓  
公入石頭陛下徒跣走先是穆帝改元升平越  
五年帝崩不滿斗不至十年也朝廷惡聞此謠

因改年曰興寧民復歌曰雖復改興寧亦復無  
聊生哀帝尋崩大臣迎奕立之奕夙有痿疾使  
左右向龍與內侍接生子以為己子百姓歌之  
曰鳳皇生一雛天下莫不喜本言是馬駒今定  
成龍子又歌曰青青御路楊白馬紫浮韁汝非  
皇太子那得甘露漿白者金行馬者國族紫為  
奪正之色明以紫間朱也時温欲先立功河朔  
以收時望還受九錫及枋頭之敗威名頓挫却

起乃勸為伊霍之舉温遂與定議詣建康宣太后令廢奕為海西縣公立會稽王昱三子非海西公子縊以馬韁死之明日南方獻甘露初熒惑入太微海西尋廢簡文登阼復入太微帝惡之時郝超為中書在直引超入曰天命脩短故非所計政當無復近日事不起曰大司馬方將外固封疆內鎮社稷必無若此之慮帝因誦庾闡從征詩曰志士痛朝危忠臣哀主辱聲甚淒厲却受假還東帝曰致意尊公家國之事遂至於此因泣下流襟

簡文作撫軍時嘗與桓宣武俱入朝更相讓在前  
宣武不得已先之因曰伯也執受為王前驅簡文曰無小無大從公子邁一日在暗室中坐召宣武宣武至問上何在簡文曰茶在斯時人以  
為能  
簡文極善玄言常以劉惔王濛為談客嘗入華林園顧謂左右曰曾心處不必在遠翳然林水便自有濠濮間想也覺鳥獸禽魚自  
未親人桓宣武下都問劉惔曰聞會稽王語奇

進爾邪曰極進然故是第二流中人耳  
桓曰第一流復是誰劉曰正是我輩

殷浩

字深源少與桓溫齊名常有鏡心桓問  
殷卿何如我殺云我與我周旋久寧作

我殷嘗作詩示桓桓玩侮之曰汝慎勿犯  
我犯我當出汝詩示人也袁耽大妹名女

皇適浩小妹名女正適謝尚嘗  
語桓云恨不更有一人配卿

孫盛與殷浩談論徃反精苦客主無間左右進食

冷而復暖者數四彼我奮擲塵尾毛悉脫落滿

餐飯中賓主遂至暮忘食殷乃語孫曰莫作強

口馬我當捩卿鼻孫曰卿不見汝鼻牛人當勞

脚頸

謝尚聞浩能清言徃造之謝注神傾意不  
覺流汗殷徐語左右取手中與謝郎拭面

殷中軍連年北伐師徒屢敗桓溫因朝野之怨請

廢之在信安終日恒書空作字每恨簡文曰上

人箸百尺樓上儋梯將去外生韓康伯始隨至

徒所周年還都殷素愛之送至水側乃詠曹顏

遠詩曰富貴他人合貧賤親戚離因而泣下  
殷

既廢桓公語諸人曰少時與阿源共騎作馬我  
棄去已輒取之故當出我下浩死浩子涓不詣

溫而與武陵王晞游溫疑而害之竟不識也孝  
武即位溫入朝赴山陵謂從者曰先帝向遂靈

見衆亦見温拜時頻言臣不敢温又問殷涓形  
狀云向亦在帝側盖涓為崇也温遂遇疾死

王羲之

字逸少導導令徧觀子弟門生歸語鑒王於

諸少並佳然惟一人在東床坦腹若不相  
聞鑒曰此正佳婿訪之乃逸少也遂妻之  
子七人疑之煥之徽之操之獻之皆有書  
迹傳世玄之肅之二人未見故東坡詩云  
羲之生五之時以王承王  
悅及羲之為主氏三少

王右軍少重患一二年輒發動後答許掾詩忽復

惡中得二十字云取歡仁智樂寄暢山水陰清

冷澗下瀨歷落松竹林既醒左右誦之誦竟右

軍歎曰癩何預盛德事耶

永和中王羲之修禊事于會稽山陰之蘭亭羣賢

畢集謝安謝萬孫綽與羲之等十一人賦五言

詩各一首譙繹庾蘊孫嗣曹茂之與煥之等十

五人或四言或五言各一首謝瑰卞迪卓旄羊

模孔熾劉密與獻之等十六人詩各不成罰酒

三觥羲之五言詩曰仰視碧天際俯瞰淥水濱

寥闌無涯觀寓目理自陳大矣造化功萬殊莫

蘇山學外紀卷十一

不均。羣籟雖參差。適我無非親。時人以蘭亭集

序方之金谷詩序云。羲之得人。以已敵石崇。甚

有欣色。會稽有孤居姥。養鵝善鳴。羲之市之。未得。乃命駕自往。觀之。姥聞王至。烹鵝。以

待。羲之歎惜不已。又山陰有道士。養鵝。羲之亦往。觀之。道士云。為馮道。德經嘗舉。奉相贈。羲之

欣然。寫畢。籠鵝而去。在戢山。時見一老姥。賣六角竹扇。羲之書扇上。各為五字。姥初不喜。羲之

謂姥曰。但道是王右軍書。求百錢。可得也。每自言我書。與鍾繇當抗行。比張芝草。猶當鴈行。其

書初不勝。庾翼却悟。及其暮年。方妙。

王徽之作桓車騎冲騎兵參軍桓問曰。卿何署答

曰。不知何署。時見牽馬來。似是馬曹。桓又問。官

有幾馬。答曰。不問馬何由。知其數。又問。馬比死

多少。答曰。未知生馬。知死。桓又嘗謂王曰。卿在

府久。比當相料理。王初不答。直高視。以手版拄

頰云。西山朝來。致有爽氣。

王子猷居山陰。夜大雪。眠覺。開室命酌。四望皎然。

因起。彷徨詠左思招隱詩曰。杖策招隱士。荒塗

橫古今。巖穴無結構。丘中有鳴琴。白雪停陰岡。

丹葩曜陽林。忽憶戴安道。時戴在剡。即便夜乘

小舡就之。經宿方至。造門不前。而返。人問其故。

王曰。吾本乘興而行。興盡而返。何必見戴。子猷嘗

寄人空宅。住便令種竹。或問暫住何煩。爾王直

指竹曰。何可一日無此君。嘗行過吳中。見一士

大夫家。極有好竹。主已知子猷當往。乃洒掃。施

設在聽事。坐相待。玉肩與徑造竹下。詎。蕭良久。

主已失望。猶冀還當通。遂直欲出門。主人大不

堪便。令左右閉門不聽出。王更以此賞主人。乃

留坐盡歡而去。又嘗出都。尚在渚下。舊聞桓伊

善吹笛。而不相識。遇桓于岸上。過王在船中。客

有識之者云。是桓子野。王便令人與相聞。云聞

君善吹笛。試為我一奏。桓時已貴。顯素聞王名。

即便回。下車踞胡牀。為作三調。弄畢。便

上車去。客主不交一言。其任率每如此。

王子猷詣謝公。謝問七言詩。何始。子猷承問。答曰。

離騷昂昂。若千里之駒。汎汎若水中之鳧。

王獻之為吳興守。羊不疑為烏程縣令。其子欣時

年十二。王甚知愛之。嘗夏日入縣。欣著新練裙。

晝寢。子敬書數幅而去。欣本攻書。因之彌善。欣

尤長于隸書。子敬之後。可以獨步。時人語曰。買

王得羊。不失所望。

子敬嘗夜卧。齊中有羣偷入其室。盜物都盡。子敬徐曰。偷



兒青氈我家舊物可  
特置之羣偷驚走

王子敬有愛妾曰桃葉其妹名桃根嘗作歌送之

曰桃葉復桃葉渡江不用楫但渡無所苦我自

來迎接又云桃葉復蕤葉桃葉連桃根相憐兩

樂事獨使我殷勤桃葉能詩答歌曰桃葉映紅

花無風自婀娜春花映何限感君獨採我桃葉

復桃葉渡江不待槽風波了無常沒命江南渡

後以淫見棄今金陵秦淮口有桃葉渡云

支道林入

東見子猷兄弟還人問見諸王何如答曰見一  
羣白頸烏但聞喚啞啞聲耳子猷子敬俱病篤  
而子敬先亡子猷問左右何以都不聞消息此  
已喪矣語時了不悲便索興來奔喪都不哭子  
敬素好琴便徑入坐靈牀上取子敬琴彈弦既  
不調擲地云子敬子敬人琴俱亡因慟絕良久  
月餘亦卒

謝尚 字仁祖小名堅石年八歲父鯤將送客  
爾時語已神悟諸人咸共歎之曰年必

一坐之顏回仁祖曰  
坐無尼父馬別顏回

謝尚為鎮西將軍嘗著紫羅襦據胡牀在市中佛

國門樓上彈琵琶作大道曲曰青陽二三月柳

青。乘。復。紅。車。馬。不。相。識。音。落。黃。埃。中。市。人。不。知。

是三公也。

仁祖善音樂桓宣武嘗語人曰諸君莫輕道仁祖企脚北窓下彈琵琶故

自有天際  
真人想

謝安

字安石奕墨也累遷太保錄尚書事贈太傅謚文靖王徐稱為江左風流宰相

紹興府有東山山半有薔薇洞即安携妓遊級絕頂有謝公調馬路白雲明月二亭

遺跡白雲明月即二妓名

謝安王坦之却起並少有盛譽時人語曰大才槃

槃謝家安江東獨步王文度盛德日新却嘉賓

有人問謝安石王坦之優劣於桓公桓公曰欲言中悔曰卿喜傳人語不能復語卿

謝安蘭亭集詩曰相與欣佳節率爾同褰裳薄雲

羅景物微風翼輕航醇醪陶丹府兀若遊羲唐

萬殊混一象安復覺彭殤

謝傅寒雪日內集與兒女講論文義俄而雪驟下

公欣然倡韻曰大雪紛紛何所似兄子朗曰撒

監空中差可擬兄女道韞曰未若柳絮因風起

公大笑樂世稱謝庭聯句

道韞奕之女左將軍王凝之妻也聰識有

才辨既往王氏大薄疑之及還謝家意甚不悅  
叔父安慰釋之曰玉郎逸少亦不惡汝何恨  
迺爾答曰一門叔父則有阿大中郎奉從兄弟  
則有封胡過未不意天壤之中乃有玉郎封謂  
謝詔胡謂謝朗過謂謝玄末謂謝川皆其小字  
王獻之常與宗客談論詞理將屈道韞使婢謂  
獻之曰欲為小郎解圍乃施青綾  
布障中獻之前議賓客不能屈

謝公因子弟集聚問毛詩何句最佳玄稱昔我往  
矣楊柳依依今我來思雨雪霏霏道韞稱吉甫  
作頌穆如清風仲山甫永懷以慰其心安謂道  
韞所稱偏有雅人深致道韞同郡張玄妹亦有才質適顧氏有濟尼者

遊二家或問之對曰王夫人神情朗徹故有林下之風顧家婦清心玉映自是閨房之秀

謝傳夫人劉不令公有別房公頗欲立妓妾令姪  
等微達此旨共訊夫人因稱關雎螽斯有不妬  
之德夫人問誰撰此詩答曰周公夫人曰周公  
是男子相為耳使周姥撰詩當無此句  
王國寶是謝傳壻專利無檢行謝每抑制之後國  
寶為孝武帝親暱遂危構謝帝一日召桓子野  
飲謝亦在坐帝命桓吹笛桓即吹為一弄乃放

堯山堂外紀卷十一  
十五  
笛云臣於箏分乃不及笛然自足以韻合歌管  
請以箏歌并請一吹笛人帝乃勅御妓吹笛桓  
又言御府人于臣必自不合臣有一奴善相便  
串帝令召之奴既吹笛桓便撫箏而歌曹子建  
怨詩曰為君既不易為臣良獨難忠信事不顯  
乃有見疑患周旦佐文武金滕功不刊推心輔  
王室二叔反流言聲節慷慨俯仰可觀謝傳泣  
下沾襟乃越席就之將其鬚曰使君於此處不

堯山堂外紀卷十一  
羊曇少為謝大傅所知大傅亡後羊輟樂彌年行  
不由西川路嘗因石頭大醉扶路唱樂不覺至  
州門因悲感不已以馬策叩扉詠曹子建詩曰  
生存華屋處零落歸山丘慟哭而去

堯山堂外紀卷十一終

主林華室寒窗山立

門因悲息不日必黑策中氣病曹子數指曰

不由西川器嘗因公願大朝封器嘗樂不覺至

下法務乃越席就之將其

堯山堂外紀卷十二

晉陵蔣仲舒編

六朝 晉

王胡之

字修齡司州刺史先為庾公記室參軍亮在武昌秋夜氣佳景清使胡之與殷浩等登南樓理詠亮曰老子於此處興復不淺後與謝安相善或問林公司州何如二謝林公曰故當攀安提萬

王胡之常遺世務以高尚為情謝傳常稱之曰司

州可與林澤遊在謝公坐詠離騷九歌辭曰入

不言今出不辭。乘回風今載雲旗。語人云當爾時覺一坐無人。

習鑿齒

漢習郁之後永和中西曹主簿温曰三十年看儒書不如一詣習

主簿符堅與諸鎮書昔晋平吳利在二陸今尅襄陽僅得一人半謂習與釋道安也習跛一足故戲之按堯時窠卦豨鑿齒皆為人害鑿齒齒長五尺似鑿習以為名

故字彦威

習鑿齒孫綽未相識同在桓公坐桓語孫可與習  
參軍共語孫云蠢爾蠻荆敢與大邦為讐習云  
薄伐獫狁至于太原習襄陽人孫太原人故因  
詩以相戲

習鑿齒嘗與孫綽共行時綽在前顧鑿齒曰沙之  
汰之瓦石在後鑿齒曰簸之颺之糠粃在前

釋道安俊辨有高才自北來荆州與習鑿齒相見  
道安因自通曰彌天釋道安習荅曰四海習鑿

齒當時以為名對

梁惠皎高僧傳載鑿齒與安書云夫不終朝而雨六合者

彌天之雲也弘淵源而潤八極者四海之流也故二人摘其語以為戲

習鑿齒詠燈詩云煌煌見夜燈脩脩樹間亮燈隨

風煒燁風與燈升降

孫綽

字興公與許詢支遁輩皆以文義冠世王右軍並與之游日營山水弋釣之娛

歎曰我卒當以樂死

孫興公絕重張衡左思賦云三都二京六經鼓吹

因自作天台賦初成以示友人范榮期啟云

卿試擲地要作金石聲范云恐此金石非中宮

商然讀至赤城霞起而建標瀑布飛流而界道

輒云應是我輩語

孫興公作列仙商丘子贊曰商丘卓犖執策吹竽

渴飲寒泉饑食菖蒲所救何物殆非真豬儻逢

風雲為我龍攄時人多以為能王藍田述語人

云近見孫家兒作文道何物真豬也

孫興公作庾公誄文曰咨予與公風流同歸擬量

託情視公猶師君子之交相與無私虛中納是

吐誠誨非雖實不敏敬佩弦韋永戢話言日誦

心悲既成示庾道恩庾見慨然送還之曰先君  
與君自不至於此

會稽孔沉魏顓虞球虞存謝奉並是四族之雋于  
時之桀孫興目公之曰沉為孔家金顓為魏家

玉虞為長琳宗謝為弘道伏長琳即存及琳字弘道謝奉字也

殷洪遠融答孫興公詩云聊復放一曲劉真長悵

笑其語拙問曰君欲云那放殷曰榆臘亦放何  
必其鎗鈴邪

郝隆

字佐治嘗七月七日出日中仰卧人問其故答曰我曬書

郝隆為桓公南蠻叅軍三月三日會作詩不能者

罰酒三升隆初以不能受罰既飲攬筆便作一

句云娥隅躍清池桓問娥隅是何物答曰蠻名

魚為娥隅桓公曰作詩何以作蠻語隆曰千里

投公始得蠻府參軍那得不作蠻語

謝公始有東山之志後嚴命屢臻勢不獲已始就

桓公司馬於時人有餉桓公藥草中有遠志公



取以問謝此藥又名小草何一物而有二稱謝  
未即答時郝隆在坐應聲答曰此甚易解處則  
為遠志出則為小草謝甚有愧色

袁喬字彥升小字羊江夏相從桓溫平蜀封  
湘西伯益州刺史簡文問孫綽袁羊何

袁曰洸  
洸清便

袁羊嘗詣劉恢恢在內眠未起袁因作詩調之曰  
角枕燦文茵錦衾爛長筵唐詩晉獻公好攻戰  
國人多喪其詩曰角枕燦兮錦衾爛兮予美亡

此誰與獨旦袁故嘲之恢尚廬陵長公主主見  
詩不平曰袁羊古之遺狂

袁宏字彥伯小字虎為桓溫記室叅軍桓喚  
袁倚馬前令作露布手不輟筆俄得七

紙殊可觀王  
珣極歎其才

袁虎少貧以運租為業謝尚時鎮牛渚乘秋佳風  
月率爾與左右微服泛江會虎在運船中諷詠  
聲既清會辭文藻拔冰尚所曾聞遂住聽之乃  
遣問訊答曰是表臨汝郎誦詩即其詠史之作

也其詩曰周昌梗概臣。辭達不為訥。汲黯社稷器。棟梁天表骨。陸賈猷解紛。時與酒禱杌。婉轉將相門。一言和平勃。趨舍各有之。俱令道不沒。無名困螻蟻。有名世所疑。中庸難為體。狂狷不及時。楊惲非忌貴。知及有餘辭。躬耕南山下。蕪穢不遑治。趙瑟奏哀音。秦聲歌新詩。吐音非九。唱負此欲何之。尚佳其率有勝致。即遣要迎。談話申旦。自此名譽日茂。

袁宏始作東征賦。悉稱過江諸名望。時桓溫在南州。宏語衆云。我決不及桓宣城。時伏滔在溫府。與宏善。苦諫之。宏笑而不答。滔密以啟溫。溫甚忿。以宏一時文宗。又聞此賦。有聲不欲令人顯。問之後。遊青山。飲酌既歸。公命宏同載。行數里。問宏曰。聞君作東征賦。多稱先賢。何故不及家君。宏答曰。尊公稱謂自非下官所敢專。故未呈啟。不敢顯之耳。溫乃云。君欲為何辭。宏即答云。

風鑒散朗。或撥或引。身雖可亡。道不可隕。温泫然而止。

袁宏東征賦。都不道陶長沙。侃陶胡奴。範誘之狹

室中臨以白刃。曰先公勲業如是。君作東征賦

云何相忽略。宏窘感無計。便答我大道公何以

云無因誦曰。精金百鍊。在割能斷。功則治人。職

思靖亂。長沙之勲。為史所讚。宏機捷辨速。自吏部郎出為東陽郡

謝安祖之於冶亭時。賢皆集。安欲卒迫試之。執手將別。顧左右取一扇贈之。宏應聲曰。輒當奉

陽仁風慰彼黎庶。合坐嘆其要掉。

桓宣武太和四年上疏自征鮮卑。袁虎時從宣武

命作北征賦。時王珣伏滔在坐。桓令滔讀其賦

云聞所聞於相傳。云獲麟於此野。誕靈物以瑞

德。奚授體於虞者。悲尼父之慟泣。似實慟而非

假。豈一物之足傷。實致傷於天下。至此便改韻

珣云此韻所詠。慨深千載。今於天下之後。便移

韻於寫送之致。如為未盡。滔乃云得寫字一句

足韵或當小勝袁即於坐攬筆益云感不絕於  
余心。泝流風而獨寫珣諷味久之謂滔曰當今

文章之美當共推此生袁虎伏滔同在桓公府

桓公嘗請參佐入宿袁伏相次而至莊名府中  
復有袁參軍彥伯疑焉令傳教更質傳教曰參  
軍是袁伏之袁復何所疑然袁每以為耻恒歎  
曰公之厚意未足以榮國士與伏滔比肩亦何  
異如

之

顧愷之字長康晉陵無錫人愷之子小字虎  
頭後拜虎頭將軍桓温嘗言長康體

中癡點各半世云有  
三絕文絕畫絕

顧悦與簡文同年而髮蚤白簡文曰卿何以先白

對曰松栢之質經霜彌茂蒲柳之姿望秋先零

受命之異也王稱善久之

顧長康初為桓温參軍甚被親暱桓治江陵城甚

麗嘗從江口會賓僚曰能目此城者賞時長康

應聲曰遥望層城丹樓如霞桓即贈以二婢後

拜桓墓作詩云山崩溟海竭魚鳥將何依人問

之曰卿憑重桓乃爾哭之狀其可見乎顧曰鼻

如廣莫長風眼如懸河決溜或曰聲如震雷破山淚如傾河注海

顧長康作殷荊州仲佐請假還東爾時例不給布

颯顧苦求之乃得發至破冢遭風大敗作牋與

殷云地名破冢真破冢而。出行人安穩布颯無

恙

桓南郡玄與殷荊州語次因共作了語顧愷之曰

火燒平原無遺燎桓曰白布纏棺豎旒旒殷曰

投魚溪淵放飛鳥次復作危語桓曰矛頭淅米

劍頭炊殷曰百歲老翁攀枯枝顧曰井上轆轤

卧嬰兒殷有一參軍在坐云盲人騎瞎馬夜半

臨深池殷曰咄咄逼人仲堪眇目故也長康好諧謔人

多愛狎之尤信小術桓玄嘗以一柳葉給之曰此蟬所翳葉也取以蔽人不見已愷之喜引葉

自蔽玄就濁焉愷之信其不見已也甚珍之

顧長康道畫手揮五絃易日送歸鴻難畫人或數

年不點目睛人問其故顧曰四體妍蚩本無閑

於妙處傳神寫照正在阿堵中

顧長康嘗賦神情詩云春水滿四澤夏雲多奇峰

秋月揚明輝冬嶺秀孤松

戴逵

字安道善琴武陵王使人召之乃對使  
者破琴曰戴安道不能為王門伶人十  
歲時在瓦官寺畫王長史見之曰此童非  
徒能畫終當致名中年畫行像甚精妙

戴安道既屬操東山而其兄逵欲建式遏之功謝

太傅曰卿兄弟志業何其太殊逵曰下官不堪

其憂家弟不改其樂

戴安道與王元琳集于露立亭臨觴撫琴有味乎

二物之間遂共為之讚曰醇醪之興與理不乖

古人既陶至樂乃開百客乘之隗若山顏自絕

群動耳隔迅雷萬異既冥惟無有懷

王珣

字元琳小字法護封東亭侯弟珉字季  
琰小字僧弥兄弟皆壻謝氏王獻之為  
中書令珉代之  
時稱大令小令

王珣郗超並為大司馬所眷拔珣為主簿超為記

室參軍超為人多鬚珣狀短小于時荊州為之

語曰顛參軍短主簿能令公喜能令公怒

孝武帝崩王珣為哀策出本示其族子誕曰猶少  
叙節物一句誕使攬筆益之接其秋冬代變云  
霜繁廣除風回高殿珣嘆美因而用之

王琅少有才藝與珣並有名而聲出珣右時人為  
之語曰法護非不佳僧彌難為兄

王僧彌與嫂婢謝芳姿通情好甚篤嫂箠芳姿  
過苦東亭聞而止之芳姿素善歌而僧彌好持  
白團扇嫂令芳姿歌一曲當赦之芳姿歌曰白

團扇辛苦五流離是郎眼所見僧彌聞之問曰  
柰何遺却芳姿應聲又歌曰團扇復團扇許持  
自遮面憔悴無復理羞與郎相見

王恭

字孝伯與族子忱少相善齊聲見稱司  
馬太傅為二王目曰孝伯亭上直上阿

大羅羅  
清疎

王孝伯在京行散至其弟王瞻戶前問古詩中何  
句為最睹思未答孝伯詠所遇無故物焉得不  
速老此句為使

孝武太元末王恭鎮京口民間忽有謠云黃頭小兒欲作賊阿公城下指縛得黃頭小兒欲作亂賴得金刀作蕃杆又謠云黃雌雞莫作雄父啼一旦去毛衣上被拉颯棲黃字頭恭字上也小字恭字下也時王國寶諂事會稽王道子權動內外恭與王珣惡之乃上表罪狀國寶遂舉兵反詔賜國寶死未幾恭司馬劉牢之執恭斬之悉如謠言

桓玄嘗登江陵城南樓云我今一為王孝伯作誄因吟嘯良久隨而下筆一坐之間誄以之成其文曰隆安二年九月十七日將軍青兗二州刺史太原王孝伯薨川岳降神哲人是育既爽其靈不貽其福天道茫昧孰測倚伏犬馬反噬豺狼翹陸嶺摧高梧林殘故竹人之云也邦國喪牧于以誄之爰族芳郁

桓玄

溫之孽子也小字靈寶太元末出補義興太守鬱上不得志登高望震澤而歎



曰父為九州伯兒為五湖長遂棄官歸及  
殷仲堪失戒倚玄為盟主玄始得志嘗問劉  
共相結約推玄為盟主玄始得志嘗問劉  
太常曰我何如謝太傅劉答曰公高太傅  
深又曰何如賢舅子敬答  
曰粗梨橘柚各有其美

桓玄作詩或時思不來輒作鼓吹既而思得云鳴

鵠響長阜歎曰鼓吹固自來人思玄被召作太  
子洗馬船泊

菰渚王大服散後已小醉往看桓桓為設酒不  
能冷飲頻語左右令溫酒來桓乃流涕嗚咽王  
便欲去桓以手巾掩淚因謂王曰犯我  
家諱何預卿事王歎曰靈寶故自違

隆安初殷仲堪為荊州刺史童謡云芭籠目緇縛

腹殷當敗桓當復時仲堪恐桓玄跋扈乃與楊

佺期結婚為援玄引丘擊殺之遂有荊州

桓玄既克殷仲堪後楊佺期遣使諷朝廷朝廷以

玄都督八州領江州荊州二刺史元興初司馬

元顯稱詔伐玄玄遂舉兵反元顯軍潰玄入建

康自以太尉總百揆殺元顯時有謡云長干巷

巷長干今年殺即君明年斬諸桓即君謂元顯

也及玄敗走諸桓悉誅焉

桓玄既篡後朱雀門中忽見兩小兒通身如墨相  
 和作籠歌云車無軸倍孤木繩縛腹芒籠目路  
 邊小兒從而和之者數十人聲甚哀楚日既夕  
 二小兒入建康縣至閣下遂成雙漆鼓槌明年  
 春而桓敗車無軸倚孤木桓字也玄死果以繩  
 縛其屍芒籠其首沉諸江中又謠云草生及馬  
 腹鳥啄桓玄目及玄敗走江陵五月中誅如其  
 期焉

步

字處默小

附子王羲之子

後

之

允之子晞之晞之子

用之

崑之子陋之皆三世同

皆兩世同用之字

胡母輔之子謙之吳隱之子瞻之

吳隱之介立有清操桓玄欲革嶺南之敝以為廣  
 州刺史去州二十里有貪泉世傳飲之者其心  
 無厭隱之乃至水上酌而飲之因賦詩曰古人  
 云此水一飲懷千金試使夷齊飲終當不易心  
 及歸妻劉氏齋沉香一片隱之見之即投于湖


亭之水隱之嘗為晉陵太守在郡清儉妻自負薪

義熙初廣州有童謠云官家養蘆化成荻蘆生不止自成積又云蘆生漫上竟天半蘆橙上逐水流東風忽如起那得入石頭時盧循寇廣州逐刺史吳隱之自攝州事號平南將軍安帝乃假循征虜將軍廣州刺史循擁上流數州之地內逼京輦果應天半之言後為劉裕所破竟不得入石頭其黨悉斬伐如草木之成積云

陶潛字元亮大司馬侃魯孫也在晉名淵明存宋名潛宅邊有五柳樹因以為號為

彭澤令歎曰吾不能為五斗米折腰卒賦歸去來辭解印綬去時周續之入廬山事釋惠遠彭城劉遺民亦遁迹此山潛又不應徵命時謂為潯陽三隱元嘉中卒世號靖節先生

顏延之為劉柳後軍功曹在潯陽與潛情款後為始安郡經過潯陽日造潛飲臨去留錢二萬潛悉令送至酒家稍就取酒貴賤造之者有酒輒設潛若先醉便語客曰我醉欲眠卿且去



淵明嘗於夏月高卧北窓清風颯至自謂羲皇上  
人性不解音但畜無絃素琴每朋會則撫而和  
之曰但識琴中趣何勞絃上聲

淵明嘗聞田間水聲倚杖聽之嘆曰秫稻已秀翠  
色染人時剖胸襟一洗荆棘此水過吾師丈人  
矣

淵明宅邊多種菊每携酒吟咏其  
在人境而無車馬喧問君何能

賦詩曰結廬  
心遠地自偏

採菊東籬下悠然見南山 氣日夕佳飛鳥相

與還此中有真意欲辯已 言又曰秋菊有佳

色裛露掇其英汎此忘憂物遠我遺世情一觴

雖獨進杯盡壺自傾日入君動息歸鳥趨林鳴

嘯傲東軒下聊復得此生嘗九月九日出宅邊

菊叢中坐摘菊盈把忽見白衣人檐酒至乃江

州刺史王弘送酒也即便就酌醉而歸

江州刺史檀韶請周續之與孝士祖企謝景夷三

人共在城北講禮加以警校所住公廨近於馬  
隊潛賦詩曰周生述孔業祖謝響然臻馬隊非  
講肆校書亦已勤蓋譏之也

淵明有子五人嘗戲以詩責之曰白髮被兩鬢肌

膚不復實雖有五男兒總不好紙筆阿舒嚴已

二八懶惰故無匹何宣侯行志學而不愛文術

雍份端侯年十三不識六與七通修子垂九齡

但覓梨與栗天運苟如此且進杯中物或問坐

有侍兒否有一人言有之間何以知曰所謂雍  
端年十三不識六與七此豈非有侍兒耶坐客  
皆笑

淵明讀山海經詩曰精衛銜微木將以填滄海刑

天舞干戚猛志故常在有作淵明詩跋尾者謂

形天無千歲莫曉其意後讀山海經云刑天獸

名也好銜干戚而舞乃知五字皆錯淵明詩晉

題年號入宋所作但題甲子元人鄧文原題其  
像曰詩中甲子春秋筆籬下黃花雨露枝便向  
斜川頻戴酒風光不似羲熙時貢師秦題云行  
杖芒鞋白鹿裘山中甲子幾春秋呼童點檢門

前柳莫放飛  
花過石頭


廬山釋慧遠結社東林秘書丞謝靈運於山後鑿  
二池植白蓮呼曰蓮社潛與慧遠素為方外交  
而不與蓮社之列一日過慧遠甫及寺聞鐘聲  
不覺顰容遽命返駕法眼禪師晚叅示眾云今  
夜聞鐘鳴復來有何事若是陶淵明攢眉却迴  
去此法眼特為陶公揄揚也慧遠持戒精嚴送  
客遠者不過虎溪一日偕潛及簡寂觀主陸脩

靜不覺過虎溪數百步乃相與大笑而別好事  
者遂作三笑圖以紀之

淵明將逝之夕自作挽歌辭其一曰有生必有死  
早終非命促。昨暮同為人。今旦在鬼錄。魂氣散  
何之。枯形寄空木。嬌兒索父啼。良友撫我哭。得  
失不復知。是非安能覺。千秋萬歲後。誰知榮與  
辱。但恨在世時。飲酒不得足。其二曰在昔無酒  
飲。今但湛空觴。春醪生浮蟻。何時更能嘗。肴案

堯山堂外紀卷十二  
盈我前親舊。哭我傍。欲語口無音。欲視眼無光。  
昔在高堂寢。今宿荒草鄉。相送出門去。歸來夜  
未央。其三曰。荒草何茫茫。白楊亦蕭蕭。嚴霜九  
月中。送我出遠郊。四面無人。居高墳。正嵯峽。馬  
爲仰天鳴。風爲自蕭條。幽宅一已閉。千年不復  
朝。千年不復朝。賢達無奈何。向來相送人。各自  
還其家。親戚或餘悲。它人亦已歌。死去何所道。  
託體同山阿。桓伊善挽歌。庾晞亦喜爲挽歌。每  
自搖大鈴爲倡。使左右齊和。袁山

松遇出遊則好令左右作挽  
歌一時名流達士習尚如此



堯山堂外紀卷十二

終

